

«Норвич» масжиди юзлаб инсонларга ёрдам қўлини узатди



11:00 / 16.03.2021 2156

Айлшам кўчасидаги «Норвич» марказий масжиди озиқ-овқат маҳсулотлари ва уларни етказиб бериш хизмати орқали юзлаб инсонларга ёрдам кўрсатмоқда.

Itv.com манбасининг маълумотларига кўра, ҳар якшанба куни масжид кўнгиллилари ўша ҳудуддаги кам таъминланган, муҳтож оилаларга ёрдам бериш ниятида 50 хилдаги озиқ-овқат маҳсулотларини тарқатишди.

Ўтган ҳафта давомида маҳаллий ошхона тайёрлаб берган иссиқ овқатларни юзлаб қарияларга улашдилар. Ҳафтасига 300 кишига иссиқ овқат, ва 50 хилдаги озиқ-овқат маҳсулотлари етказиб берилди.

Ўтган йили масжиддаги қўшимча бино ёнғин остида қолган эди. Кўп вақт ўтмасдан жамоат масжид атрофида тўпланиб хайр-эҳсон беришди ва ёрдам таклиф қилишди. Ташкилотчилар ҳеч бўлмаганда ўзгаларга ёрдам бера олишларини таъкидлашди.

«Инсонлар турли аҳволда азият чекишмоқда. Шундай экан, агар биз уларнинг қийин пайтларида уларга озгина бўлса ҳам кўмак бера олсак, бу биз учун улкан шарафдир» - дея таъкилайди Сирожул Ислон, Норвич Марказий Масжиди ва Ислоний Жамият Маркази.

Таржимон: Муштарий Хайруллаева